

甘肅全省新通志

卷捌

76587

地180

39

部=13

甘肅新通志卷之八

形勝

甘省據天下上游有高屋建瓴之勢自來僭竊割據率由於此
聖朝大一統規模不能無思患預防之策計惟廣儲糧餉選練精兵外
可接應新疆內可捍蔽關中斯萬年不拔之基而天生形勝人力
為不負矣

蘭州省城

喬峰四阻繚以大河趙時春忠烈碑捍禦秦雍聯絡西域襟帶萬里控制

強敵同北接沙漠西控戎羌為四方根本要樞之地楊一清察渭院題名碑

河襟帶青海為瀆發難九篇北跨沙漠之險南吞巴蜀之雄山奔突而

若馳水旋繞而如環曹連朔方賦

蘭州府

甘肅新通志

卷八

輿地志 形勝

中原迤西山川扼塞明太祖論徐達文地勢平夷有長城之險皋蘭時其

南黃河經其北明一統志

皋蘭縣附郭

一峰崔巍兩翼拱護為束帶之形要衝之地舊志皋蘭雄鎮時乎前

九州之臺障乎後巒嶠阜陵環拱左右金城賦

按府控河為險隔閼戎羌自漢以來河西雄郡金城為最豈非

以介戎夏之間隴右安危常繫此地哉晉元康而後河隴多事

金城左右歲無甯宇隋唐盛時馳逐河湟未嘗不以蘭州為要

害及廣德以後州沒吐番而西涼不復為王土大中間雖嘗收

復亦僅同羈縻矣宋元豐四年李憲敗夏人始復城蘭州元祐

初夏人求復得此地朝議欲割以畀之孫路言自通遠至熙州

總通一徑熙之北已接夏境今自關瀕大河城蘭州然後可以

捍蔽若捐以與敵則一道危矣穆衍言蘭州棄則熙州危熙州危則關中震動唐失河湟西邊一有不順則警及京都今若委蘭州梅將無及遂不果棄明時自州以北常爲寇衝往往設重兵駐焉府志酌全隴適中之地壯區夏控制之形規模計慮大而遠矣

金縣

遠峰爭秀大峽分流豬嘴馬銜既如揖而如拱浩疊神濟亦若帶而若環地接兩驛之衝治介萬山之會舊志西枕馬鞍北據天塹三

山拱翠二水分流縣志

狄道州

據隴首掠西傾襟帶關河長城之險雄峙一郡抗衡三邊古形勝之地

甘肅新通志

卷八

輿地志 形勝

二

按州襟帶河湟爲西陲之保障自秦築長城起臨洮而邊境大斥無南牧之患蜀姜維數出狄道以撓關隴魏人建爲重鎮維不能得志晉之衰也河西撓亂大約據狄道則足以侵隴西狄道失而河西有唇齒之慮矣拓跋魏兼有秦涼以狄道爲咽喉之地列置郡縣恃爲藩蔽唐拒吐番臨州其控扼之地也寶應初臨州不守而隴右遂成荒外矣宋承五季之敝王官所蒞不越秦成熙甯以後邊功漸啟議者謂欲圖西夏必先有事熙河及熙河路建而湟鄯之域次第收復志曰郡土田膏腴引渠灌漑爲利甚溥其民皆番漢雜處好勇喜獵故徐達亦云臨洮西通番落北界河湟得其地足以給軍儲得其人足以資戰鬪也

渭源縣

襟山帶河千峰環擁列障重圍縣志南接西傾東連朱圉西迤烏嵐

北枕鳳凰諸山環峙兩水合流一統志

靖遠縣

面山背河地勢險阻明一統志西襟甘涼南引隴岷北控朔漠東接甯

固密邇遐荒頗號巖邑縣新志

按縣面山背河地勢險阻九邊攷云靖遠去敵最近北面濱河
遇冬凍合一望平地千里寇若從賀蘭山後蹈冰馳蹕勢如風
雨未易禦也沿河置戍固不可緩而徐斌水以西舊邊一帶冬
防可倚不若山後之間道出我不意猝難應敵耳縣西百里有
烏蘭津嘗跨河為橋以通往來曰烏蘭橋橋絕則寇不能渡唐
時吐蕃入寇每欲作此橋朔方輒潛遣人投其材於河元和八
年帥臣受賂不禁遂併力成橋而朔方無甯宇矣故山後惟虞
凍合而河津之防則一日不可少疏也

甘肅新通志

卷八

輿地志 形勝

三

河州

南得鍾存北阻大河漢曹鳳議洮水遶於東積石峙於西南盤雪嶺北

拒黃河舊志乃中國之咽喉實西陲之藩籬州志界接羌戎其山峻聳

元城隍廟記

按州控扼番戎山川盤錯自昔西陲多釁袍罕常為戰地蓋騎
角河西肘腋隴右亦中外之要防矣明初置茶馬司於此以制
番命資國用其後漸弛宏治末都御史楊一清言唐時回紇人
貢卽以馬易茶宋熙寧開行之所謂摘山之產易廐之良無害
而有利者也我朝納馬謂之差發因納馬而酬茶體尊名順非
互市交易之比且西番為中國藩籬其人非孝子順孫徒以資
茶於我絕之則死故俛首服從此制番控夷之上策請申明舊
制使番族各供差發蓋河洮二州西番襟要故茶馬司設於此

平涼府

安定山谷之間昆夷舊壤漢楊惲書秦隴之地以山立郭山川最為秀

拔圖經水土雜於河西人煙接於北地寰宇記控制西陲實為要地金

鼎高嶺崆峒山川險阻雄視三關控制五原扼塞夷落之地崆峒志

據雍涼之交兵馬戎狄芻牧之鄉四通交馳西秦都會府志西據

可藍崆峒東接涇原山川雄秀一統志

按府山川險阻控扼羌戎屹為要會漢以安定名郡說者曰郡

外阻河朔內當隴口襟帶秦涼擁衛畿輔關中安定繫於此也

唐自廣德以後西陲盡為異域而涇原之備日疏貞元七年詔

以平涼當要會之衝居北地之要命涇原節度劉昌築平涼故

地扼彈箏峽口浹旬而畢廓地二百里即今郡城此平涼置州列郡

之權輿也說者曰隴口之要在平涼而平涼之要尤在原州今

甘肅新通志

卷八

輿地志 形勝

四

原唐大曆中元載嘗為西州刺史知河西隴右山川形勢因言

於上曰四鎮北庭既理涇州時馬璘為四鎮北庭節度使治涇州無險要可守隴

山高峻南連秦嶺北抵大河今國家西境盡蕃原而吐蕃戍摧

沙堡原州居其中閒當隴山之口其西皆監牧故地草肥水美

平涼在其東獨耕一縣可給軍食故壘尚存吐蕃棄而不居若

乘閒築之一旬可畢移軍戍原州涇州為之根本分守石門木

峽漸開隴右稍置鳴沙戍見甯夏中衛豐安軍見靈州為羽翼北帶靈

武五城為形勢進達安西據吐蕃腹心則朝廷可安枕矣議格

不用時載并圖地形以獻會罷相不果及建中初楊炎為相復議城之亦不果後吐蕃城故原州而

屯之隴右淪於異域者殆五十年宋咸平四年陝西漕臣劉綜

言鎮戍軍為古原州地沃衍歲輸芻糧四十五萬石請置屯田

務因開田五百餘頃以贍邊

平涼縣 附郭

華亭縣

馬鋪鎮北豐臺拱南東臨汭水西峙湫頭志一統

靜甯州

隴水環流繞帶河渭元德順州志據蘭會之肩通河隴之道舊志左枕六

盤石跨安會前控秦隴後距蕭關一統志

按州隴坂環峙河渭滌流宋天禧中曹瑋築隴干城日異時涇渭有警此必爭之地隆興中吳璘復秦隴諸州朝議棄還虞允文言恢復莫先陝西陝西新復州郡係德順之存亡一旦棄之則窺蜀之路愈多西和階成利害至重不可不審蓋靜甯為隴口要地自隴以西保據所當先也

隆德縣

甘肅新通志

卷八

輿地志 形勝

五

隴坂北垂山川秀拔土風爽塏壤接崑崙太華之奇源通涇渭百泉之勝實四塞咽喉扼要之區舊志

隆德分縣 以莊浪縣改并

居隴山之陰層山峻嶺溪澗崎嶇舊志

固原直隸州

山川險阻旁扼夷落為中華襟帶文獻通考襟帶西涼咽喉靈武宋鄭文寶

城蕭關議左控五原右帶蘭會黃河繞其北崆峒阻其南元開城志

按州據八郡之肩背縮三鎮之腰膂元開城志云左控五原右帶蘭會黃河繞北崆峒阻南稱為形勝今自州以東則翼慶延自州以西則衛臨鞏自州而南則瞰三輔矣乃其邊境則東接榆林西連甘肅北負甯夏延袤蓋千有餘里三鎮者其固原之門牆固原者其三鎮之堂奧與至若花馬池一帶固原與甯夏

分險處也往者套內充斥常爲固原門戶之禍故守禦於此急焉其西路徐斌水至黃河岸六百餘里地勢遼遠難以保障明嘉靖中邊臣請築新邊於徐斌水東北直接鳴沙州黃河岸撤兵內守舍六百里平漫之地守二百二十里易據之險林木暢茂水泉不乏耕屯數百頃可省餽餉惟至河凍則復守舊邊此爲固原西路計利至厚也而議者以棄地擾民沮之誤矣州本漢高平縣安定郡治也州東有高平第一城以險固名王應麟曰原州當隴道之要光武取隴右先降高平而後可以蹙隗囂赫連勃勃據高平乘閒以窺隴東嶺北得以病姚興宇文泰軍於高平因而規定關隴誠要害之地也

平遠縣

峰巒環拱溝澗縈旋形壯邊陲勢憑險阻黃河迴繞其北蕭關雄鎮其南東北扼慶甯咽喉西南連鞏固肘腋控制羌胡之地屏藩沙漠之區

海城縣

前控六盤後峙高泉左挹下馬右據天都崆峒阻其南黃河繞其北爲甘涼之襟帶乃固靖之咽喉

化平直隸廳

隴山峙其西南六盤崆峒鎮其東北羣峰環翠百泉匯流徑路崎嶇隘硤林立捍捍隆固堵扼平華似亦前代安置降人之地古稱大振門制勝關控帶隴山西路管領沿坡小砦設險守國防禦外侮良有以也洵爲秦鳳咽喉隴關險要

涇州直隸州

羣山環翠涇汭合流盤礴雄遠邠甯之藩蔽

甘肅新通志

卷八

輿地志 形勝

按州本漢安定縣山谷之間昆夷舊壤嶺北有事州實為孔道
晉太元中姚萇起於嶺北以安定為根本其後遂為重鎮梁喜
謂若無安定戎馬必至於郿是也赫連勃勃因劉裕滅秦先據
安定盡取嶺北郡縣及裕東還南下長安勢若建瓴矣夏人之
衰安定亦降於魏赫連定復舉安定遂長驅而入長安魏人力
與之爭然後關中復定唐自至德以後吐蕃內侵恆以涇州為
節鎮遮蔽邠岐宋以夏人跳梁涇州亦為重地慶厯中范仲淹
請駐涇州漸復橫山以斷賊臂尋命韓琦及仲淹開府涇州總
四路之事為攻討聲援蓋涇州聯絡中外翼帶東西誠關中之
襟要也

崇信縣

東西為川南北皆山一統志地僻徑狹不通周道縣志錦屏峻拔汭水

甘肅新通志

卷八

輿地志 形勝

經流新志

鎮原縣

南趨臨涇絕澗崇岡北抵環慶地極旱海一統志東阻蒲川西據隴

阜高平經其南伏潛互其北縣志

靈臺縣

四山鵠峙兩江夾流其他龍蟠蛇繞者無非靈秀所鍾一統志

鞏昌府

山川險阻襟帶隴蜀用武要地廣輿記黃河清滑前帶後環軒谷義

臺左遮右拱遠眺岷嶓秀啟西傾鞏昌府題名記烏鼠盤紆渭河經緯姚

崇義書院記江分番境階文洮固為之藩河限邊防安會蘭靖張其掖

雲棧扼三巴之喉金城拊五涼之背府志

按府翼蔽秦隴控扼羌戎東漢初隗囂據隴西動搖三輔諸葛

亮伐魏欲先取隴右結連羌戎以圖關中隴右不下卒以無功
魏亦以為重鎮鄧艾嘗云狄道今臨洮隴西南安祁山各當有守
蓋其地山谷糾紛川原圍繞其俗尚氣力修戰備好田獵勤稼
穡自古用武之國東上秦隴而雍岐之肩背竦南下階成而梁
益之咽喉壞西指蘭會而河湟之要領舉是故唐初入長安即
遣軍安撫隴右而秦涼之藩籬以次摧壞天寶以後吐蕃竊有
其地窺伺畿輔大為唐患宋人議復河湟置通遠軍以經略之
熙河遂為內地元并有鞏昌南窺蜀口而宋之西邊不支夫欲
保關中先固隴右欲固隴右鞏昌豈非都會之所哉

隴西縣 附郭

首陽西峙筆架東屹南闕石門北羅重澗馬鹿之東千山列嶂
道之險一夫當關渭上名邦洮陽雄鎮縣志

甘肅新通志

卷八

輿地志 形勝

八

隴西縣丞 駐漳縣

三台峯律漳水縈迴遠則西傾青陽猶捍衛近而青厓鹽山若拱
揖彈丸之地扼番障鞏郡志

安定縣

東聯靖會西控臨蘭北倚羣峰南臨雙峪舊志渭北之形援河西之

保障府志

會甯縣

地控三邊縣居四塞層巒列峙眾水合流舊縣志近而式虎龍頭遠
而烏蘭鐵木當鞏臨之右臂為秦隴之北門一統志

通渭縣

一十八盤山天成之險二十四渡水地效之奇邊隘迫鄰金湯永

壯縣 志

甯遠縣

東通三輔西控五涼渭水環城南山瞰邑落門扼其前路廣吳捍於上游當四衝要害之區具一夫當關之勢縣志

伏羌縣

關嶺東峙朱圉西倚天門南蔽渭水北環郡志灘高流急不通舟楫

居秦隴間為運轂要區府志

西和縣

西值青海之塞東連白馬之氏仇池峙於前祁山擁於後一統志豐

阜龍盤紫金虎踞屏藩秦隴控扼羌戎府志

岷州

東連熙鞏西並洮疊南臨白馬之氏北互青海之戎屏翰蜀門控制邊境為西陲要地舊洮志孤懸絕塞與氏羌雜處南接西固階文

甘肅新通志

卷八

輿地志 形勝

九

為古陰平入蜀之要道西連洮堡長城直通海上祝囊誠為隴右屏障州志

按州東連秦隴西達河湟北阻臨鞏南控階文雖僻在一隅而道路四通一縱一橫形援河洮實為西偏之翼蔽省志

洮州廳

西控番戎東蔽湟隴明洪武中勅李景隆文黑石關距其東白石門峙其西

南接生番北抵石嶺險阻之地明一統志洮水環其前黃河繞其後誠

秦隴之保障衛志據高臨深控扼要害人性勁悍善憑險阻西邊保

障方輿記

秦州直隸州

天水名郡秦地重鎮天水志西倚天門東扼隴坻南連嶓冢北接鳳

凰為蘭河中堅關隴重鎮州志東雄關隴西障鞏蘭州志

秦安縣

東連汧鳳西控鞏臨隴右要衝關西首障州志牙錯於靜會角犄乎秦邽有靜會之畜牧無其患有秦邽之膏腴無其衝郡志

清水縣

負山帶河諸流匯聚舊志峻坂九迴飛湍四下襟東清渭鎖鑰西涼

州志山林岑蔚道途險隘扼吭隴右藩蔽關西縣志

禮縣

羣山拱峙眾水環流雖彈丸之地實五達之衝郡志

徽縣

巖山環峙江水合流東接連雲西盤百頃關隘扼喉溪谷張翼秦

隴屏障巴蜀門戶州志

按縣接壤秦隴本漢武都郡河池故道二縣地西控天水南連

甘肅新通志

卷八

輿地志 形勝

十

漢中稱為要害隴蜀有事河池在所必爭公孫述并漢中據河池以拒漢軍來歙克之而蜀人大震五代梁貞明初岐蜀相攻蜀人出河池遂兼秦鳳宋保蜀口亦置戍河池以絕北邊窺伺之路元兵入蜀河池降而鳳州以南次第淪沒河池介秦鳳間未可以散地視之矣

兩當縣

羣峰錯列萬壑分流介徽鳳之間為唇齒之勢郡志

階州直隸州

東接梓潼西接天水北接始平土地險阻舊志壤接羌戎地通隴蜀

宋鄭玠知階州制武都舊郡將利雄藩山川雲遠列戍星羅允扼羌之要

地州志

階州州同以西固縣改隸

一線通路三面臨番洮岷文階間左控右倚之地府志

文縣

東接漢中西通隴右左山右江控據深險若出景谷達江油又蜀地之咽喉也元文州志南隣巴蜀西接隴西北有臨江關以達武都東

有玉壘關以通蜀漢江邊線路皆斷崖絕壁插木鑿山棧道之險有四塞之固焉縣志

成縣

左枕瀑布泉右倚仙人岫鳳嶺插前雞山峙後水流六漢為襟帶山繞羣峰為護送仇池遠眺於西北雲棧遙望於東南羊腸盤道窈窕紆迴寶屏張翼石盤昂首真用武之國縣志成州得兩界山河之首古為用武之國同谷志內保蜀口外接秦隴山川險阻嘗為襟

要宋王應麟云北控仇池羊腸盤曲南連雲棧鳥道紆回舊志

甘肅新通志 卷八 輿地志 形勝 十一

慶陽府

襟帶兩川拱揖羣峰北控羌胡南藩關陝府志城高如山池深如泉宋張載大順城記原阜列峙溝澗輻輳宋慶州志高城深池關輔保障廣輿記二

水合流羣峰環峙龍蟠鳳翥金城湯池襟帶延綏屏藩關輔安化縣志

按府南衛關輔北禦羌戎秦置北地郡以隔閩匈奴漢人所謂緣邊諸郡也嶺塞高印下臨三輔有建瓴之勢其地山川險阻

風俗勁勇漢武拓境開邊北地良家子軍功嘗最東漢以後沒於戎翟至晉日以多事及赫連奮臂益肆馮陵唐時以邠甯為

重鎮宋亦以環慶為極衝賈耽曰慶州以北地形曼衍直抵沙漠寇入最易是也明自河

套有事花馬池嘗為重地寇入靈韋掠環慶犯平固皆以花馬池為捷徑故恆以重兵戍守又西為小鹽池則慶陽至甯夏之

要道也由安化環縣而北無居民亦無樹木水草皆絕少至靈

州始有之中間地勢荒瘠屯戍者每患無所資以爲固此籌邊之務比他郡爲倍急也

安化縣 附郭

合水縣

東連子午西扼珊瑚原阜盤旋澗溪輻輳 舊縣志

環縣

倚關爲城控制邊境 舊環州志

按縣古爲極邊之地秦長城在其北一里許漢爲郡治唐以後爲州爲軍爲路與靈慶二州分合不一唐楊朝晟築方渠合道水波三城於南境宋范仲淹置烏崙肅遠洪德諸砦於北界蓋地處衝要昔人措置經營不憚詳密也至明始廢爲縣然其地西北與固原甯夏唇齒東北一帶則花馬池定邊之要路自靈武而南至慶陽由固原迤東至延綏相距各四百餘里其中惟此一縣襟帶四方實銀夏之門戶幽甯之鎖鑰也

正甯縣

山接橫嶺川連分水勢居上游險阻可恃 縣志

甯州

山川高深險固易守而難攻爲關輔之保障 舊州志 一統志曰聯絡關隴襟帶邠岐川谷高深地形險固嶺北有事州每當其衝秦并義渠漸啟榆中之塞唐保幽甯卒挫吐蕃之鋒志稱易守而難攻信矣

甯夏府

背名山而面洪流左河津而右重塞 夏京都頌 左距豐勝右帶蘭會 舊志 黃河繞其東賀蘭聳其西西北以山爲固東南以河爲險 一統志 東

甘肅新通志

卷八

輿地志 形勝

起鹽場西盡中衛征三大帶河渠之重阻莫屯戍之基張曹連朔方形勢賦

按府賀蘭環於西北黃河繞於東南地方五百里山川險固土田肥美溝渠數十處皆引河水以資灌溉歲用豐穰而烏白花馬等池出鹽甚多度支收糶其利又足以佐軍儲誠用武之要會雄邊之保障也漢瀕河置戍關輔緩急視此地之安危晉邊備不修巖疆盡成戎藪故涇渭以北訖無甯宇後魏既并赫連緣邊列鎮薄骨律與高平沃野相為形援而後關隴無禍患者幾百年西魏以迄周隋亦以靈州為關中之捍蔽唐開元中建朔方節度於此土馬強盛甲於諸鎮肅宗中興實賴此為根本迄於唐之末造朔方猶列版圖至宋咸平五年靈州始陷於趙保吉自是西夏遂成強敵天聖以後涇原環慶關內不啟而東至鄜延西至秦鳳亦皆殘耗蓋靈州據諸路上游縱橫四出關

甘肅新通志

卷八

輿地志 形勝

三

中且不知所備也元太祖滅夏始置甯夏路總管府明初改建甯夏衛亦以為重鎮即有寇鈔不過河西一帶自正統以後駐牧套內而患乃更在河東其禍切備急者則尤在花馬池必花馬池之備密而甯夏之肩背始可稍息何也河西所當備者若洪廣若玉泉若廣武若中衛雖皆為窺伺之所而猶山谿隔礙有險可憑花馬池則川原平曠北騎馳突於此最易由花馬池而西則興武營興武營而西北則為靈州居甯夏之中迫近大河其南與固原邊相接靈州者實南北之喉舌而花馬池則靈州之門戶也備可一日緩乎哉若夫賀蘭山盤峙甯夏西套寇關入河東往往取道於此而徐斌水在甯夏西南又為固原西路之險河凍則守舊邊春融則守新邊此前人之成算也夫恃河為險實非遠猷明萬歷中嘗得松山之地說者謂自索橋而

上直接鎮番增築保障廣布耕屯則賀蘭以西皆為內境而黃河之險我不與敵共將莊浪蘭靖以迄固原之間皆可安枕而卧矣

甯夏縣 附郭

甯朔縣 附郭

平羅縣

黃河流於東南賀蘭峙於西北地當北面之衝鎮遠關黑山營洪

廣營實為外險 九邊考

平羅縣丞 駐寶豐

地勢平曠土脈蜿蜒係賀蘭之盡幹背山面河滌洄環抱高關聳

峙於河北昌潤繚繞於城南 寶豐縣記

按舊志河自南來入青銅峽與山相會出峽口北流三百餘里

甘肅新通志

卷八

輿地志 形勝

古

又與山會而夏地包絡其中可謂四塞險固矣西夏據此二百餘年雖經韓范經營不能恢復雖曰繼遷元昊梟雄難制亦以所憑恃者險也有明中葉河套盡失而黃河以西賀蘭以東屹然保障此亦據險以守之明驗也

靈州

西陲巨屏 朔方志 北控河朔南引慶涼黃河為帶金積如礪他如峽

口螺追遙峙西南馬鞍東山環抱東北舟車駢會壤接平慶誠甯

鎮之控扼實關陝之襟喉 舊志

中衛縣

左聯甯夏右通莊浪東阻大河西據沙山前有大河之險後接賀

蘭之固 元史邊陲要路朔方志

按縣倚賀蘭之險面洪河之阻左聯甯夏右接莊浪誠邊陲

地也說者曰賀蘭雖稱天險而通城隘口甚多自鎮關東至勝金關之九十餘里俱敵騎出沒之處若備觀音口鎮關墩至黃河百八十里之邊則內而廣武玉泉大壩亦得所捍禦矣

甯靈廳

地當衝要羌回雜居

西甯府

萬山環抱三峽重圍紅巖崎左青海瀦右

明一統志

首崎崑崙背倚黃

河舊志其隘則水抱西北其險則山阻東南

鎮志

西甯縣 附郭

碾伯縣

松山後踞雪嶺前臨峰巒環境上羅立萬仞雕牆湟水抱城流掩映一條玉帶峽關分布如門周道中通若綫新志

甘肅新通志

卷八

輿地志 形勝

五

大通縣

大河繞其外高山介於中聯格甘涼隔闕羌狄

貴德廳

背倚黃流面臨青海河湟夾輔松潘後屏

循化廳

據番境之上游倚黃河為險固

丹噶爾廳

路通西藏逼近青海山川扼塞控制羌番誠邊陲之重地為屏蔽於河湟

巴燕戎格廳

雪嶺北環大河南界鎖鑰諸邑彈壓羣番

松門楊氏曰按西甯表裏山河為得形勢而歷代得失每在五

郡之先其故何哉蓋茲郡一綫東通三面外暴如一孤組懸彈
丸擲之羌戎掌中而又設有市口諸貨輻輳不特五方雜厝有
不遠數萬里而至者城中牝牡驪黃冬日伏櫪常以數千計乃
堂皇籬落自爲中外吁危矣自蒙

世宗憲皇帝平定青海隔絕諸羌銷烽灌燧以迄於今又割大通衛以
爲後障嗣增貴德廳所以作前屏儼然一大郡也余待罪於茲
十有三載於沿邊要隘如黑古城河拉庫託巴燕戎諸處申請
轉

奏築堡增兵設文武官又屈指有九星羅碁布櫛次鱗比有苞桑
磐石之安昔宋王韶謂欲取西夏當先復河湟明海夷火落赤
云留一部於海西以爲牽制潛渡精兵直擣洮河破其臨鞏則
五郡皆囊中物由此觀之西甯爲重於河東西可知矣且西甯

甘肅新通志

卷八

輿地志 形勝

六

兵精而民樸惟在任文武者視

國事如家事加之意而已

涼州府

東控甯夏南距黃河西連番部北際沙漠實陝西之屏障河西之

要衝

一統志

地土饒沃萬山環拱

廣輿記

天梯互其前沙河繞其後左

有古浪之險右倚西山之固

涼州志

枕天山而瞰沙漠跨鸞鳥而帶

伊吾一綫巖疆三邊重鎮

新志

武威縣

附郭

鎮番縣

東連甯夏南接涼州西距昌甯北界沙漠

舊志

南蔽姑臧西援張掖

翼帶河隴控臨絕塞地形陡絕戎馬之場

方輿紀要

西北拱來伏之關

東南跨蘇武之峰左帶小河右連永昌實西陲之要地涼州之藩

籬鎮志控制北狄富饒西土志

永昌縣

東抵涼州西接山丹北連塞漠南距西番志面雪嶺之峰枕金

川之水雲川經其西澗水繞其東控扼甘涼屹為雄鎮雍大記

按縣東抵涼州西接山丹北連大漠南距番族控山帶水戰守

有資河西一綫縣其東北孔道也

古浪縣

東至扒沙西連武威南界黃河北抵暖泉舊志南枕烏稍嶺西連高

崖泉古浪流繞關城險隘鎮志峻嶺環其南巖邊固其北峽路一綫

扼甘肅之咽喉河水分流資田土之灌溉近而千峰俱峙遠則一

望無涯縣志

平番縣

甘肅新通志

卷八

輿地志 形勝

七

北枕烏稍南接黃河松山峙其左分水居其右為河西要害之地

總志烏稍枕其北黃流繞其南邊牆界其東冰溝峙其西為金城之

鎖鑰實五郡之衝衢縣志

按縣東連甯夏西控青唐南達金城北距古浪廣七百六十里

長四百七十五里襟山帶河河西之肘腋也五邊考云莊浪衛

東一百二十里有大小二松山東扼黃河南綴蘭靖北阻賀蘭

延袤千餘里號為沃壤隆萬間番酋賓免盤踞其中時肆侵掠

內地削棄僅存一綫萬曆二十六年撫臣田樂克復其地建堡

築城屯戍相望乃割蘆塘等處屬固原紅水河三眼井等處屬

臨洮阿壩嶺大靖城土門兒等處屬甘肅自靖遠衛界黃河索

橋起至土門山共長四百里而蘭靖莊浪千四百里之衝邊始

安第蘆塘三眼井等處土疏易圯時費修葺若按初年舊址自

鎮番直接甯夏中衛通樹長邊則外鑰尤壯矣

甘州府

列四郡據兩關

漢西域傳

帶河為固足以自守

東漢寶融傳

東界黃河西阻

弱水南跨青海北據居延

鎮志

環以祁連合黎之山浸以居延鮮卑

之水控制羌戎用武之地

雍大記

地勢西北斜出在南山之間隔絕

西羌西域為斷匈奴右臂

元和志

按府本漢河西五郡之地涼州刺史部也東界黃河西阻弱水

南跨青海北據居延懸隔數千里通西域界羌翟張全秦之臂

披水草豐美畜牧孳息穀糴常賤民殷富可以立國故寶融常

謂河西殷富帶河為固張掖屬國精兵萬騎一旦緩急杜絕河

津足以自守此遺種處卒保有五郡挈以歸漢晉張氏世有河

西併於苻秦其後張掖為段業沮渠蒙遜所都豈非以山川扼

甘肅新通志

卷八

輿地志 形勝

六

塞負隅易固哉唐垂拱時甘州積穀至四十萬斛瓜沙以西皆

仰其餽唐貞元中河西盡陷於吐蕃自是隴坂以西皆為異域

宋時為西夏所據國以富強元置行省於甘州以制西域明初

馮勝下河西取亦集乃路抵瓜沙州分布戍守而還外通哈密

內接關輔甘州實為邊陲之鎖鑰

張掖縣 附郭

左人祖右甘浚如飛鳥之張翼南祁連北合黎若雄虎之對蹲控

制羌戎用武之地

衛志

斷匈奴之臂張中國之掖土壤肥饒耕牧為

宜 一統志

山丹縣

居雜羌戎地兼瘠鹵龍山高崎於丹城之北虎衛環拱於通衢之

東四山屹立三門洞通

朱夢臣賦

密邇張掖連屬諸城南扼番戎北控

沙漠舊志甘浚鎮其右焉支峙其左兩山縈峙四澤泉充雍大記

撫彝廳

祁連遠拱黑水環流控制蒙番毗連郡邑

肅州直隸州

河山襟帶為羌人通驛之路元志南有雪山嵯峨萬仞北有紫塞延

袤千里羌番入貢之要路河西保障之咽喉通志

高臺縣

祁連遠拱合黎近峙白城山顧於前黑河水繞於後可謂屯田用

武控扼戎番之要地舊志黑山峙於東北河水經於西南山嶺崔巍

石峽險隘實屯守要地新志泉水環繞河山襟帶為甘肅通驛要路

三秦鎖鑰五郡咽喉高臺志

高臺縣丞駐毛目

甘肅新通志

卷八

輿地志 形勝

六

沙山東互黑河西環邊牆迤北實為要區

安西直隸州

白城遠峙黑水環流介酒泉敦煌之間通伊吾北庭之路俯臨沙

漠內蔽雄關寬平闔爽節鎮名區

敦煌縣

國當乾位地列良墟水有懸泉之神山有鳴沙之異川無蛇虺澤

無兕虎華戎所支一都會也漢地理志雪山為城青海為池鳴沙

為環黨河為帶前陽關而後玉門控伊西而制漠北全陝之咽喉

極邊之鎖鑰新志

玉門縣以靖逆廳改

西通哈密北連紫塞南極青海東蔽嘉峪石城雄峙於天邊水府

盤渦於地底當西陲之孔道居關外之要樞石峽東屏名川西帶

北控右地之庭南扼諸番之阻咽喉垣塞表裏藩維

肅州志

甘肅新通志

卷八

輿地志 形勝

二十

